



BUDŽET ZA GRAĐANE

OPĆINSKI BUDŽET JE JEDNOGODIŠNJI
DOKUMENT, KOJEG PRIPREMA NAČELNIK U
SARADNJI SA OSTALIM SLUŽBAMA,
A USVAJA GA OPĆINSKO VIJEĆE.

20
21



OPĆINA CENTAR SARAJEVO
BUDŽET ZA GRAĐANE



MIS IRBINA 1
SARAJEVO



+387 33 56 23 00



WWW.CENTAR.BA



ŠTA JE BUDŽET?

Općinski budžet je jednogodišnji dokument, kojeg priprema načelnik u saradnji sa službama, a usvaja ga Općinsko vijeće.

Budžet ima karakter finansijskog plana Općine za jednu godinu i predstavlja prognozu, ali je i više od toga: odredbe budžeta su obavezujuće za općinske organe na rashodovnoj strani i predviđeni izdaci se ne bi smjeli prekoračivati bez rebalansa budžeta, odnosno bez izmjene budžeta po istoj proceduri po kojoj je donijet. Sadržaj budžeta obično čine razvijeni spisak prihoda i rashoda, zajedno sa njihovim planiranim iznosima za sljedeću godinu, kao i pratećim procesnim i sličnim odredbama. Na prihodovnoj strani navode se svi zakonom propisani Općinski prihodi – kao što su svi pojedini porezi, naknade, takse, kazne, prihodi od kamata i prodaje imovine i slično.

Na rashodovnoj strani, koja također uglavnom proizlazi iz materijalnih zakona, koriste se dvije klasifikacije. Prva je administrativna, a druga po ekonomskim funkcijama (plate i socijalna davanja za zaposlene, materijalni troškovi, investicije, otplata dugova, subvencije, budžetska rezerva...). U novije vrijeme priprema budžeta pokušava se povezati sa općom ekonomskom politikom planiranom za duži rok kako bi se stvorila koherentna osnova i za budžetsko planiranje i za ekonomsku politiku. U svakoj zemlji postoji nekoliko nivoa državne organizacije. Minimum je dva (državni i lokalni), a često postoji i više nivoa kao u našoj državi (državni, entitetski, kantonalni i lokalni). Svaka od tih jedinica ima svoj budžet. Sadržaj svih budžeta određen je raspodjelom nadležnosti između njih, a koja proističe iz ustava i zakona. Novac kojim raspolažu institucije vlasti na svim nivoima je novac građana. Imajući u vidu da je budžet odraz lokalnih javnih politika, jasno je zbog čega u zemljama sa razvijenom demokratskom kulturom postoji značajan interes javnosti za mnoga pitanja koja se tiču budžeta. Građani žele da znaju i odlučuju o tome kako će se trošiti njihov novac. Pri tome je osnovni preduslov za učešće građana u procesu odlučivanja o budžetu njihova informisanost. U skladu s tim, zadatak organa lokalne samouprave (općine ili grada) jeste da obezbijedi javnost rada i pruži informacije o svim bitnim pitanjima u procesu kreiranja, usvajanja i izvršavanja budžeta. Budžet za građane je dokument koji pojašnjava osnovne informacije i koji je osmišljen kao praktični vodič za općinske vijećnike i javnost, koji bi im pomogao da bolje razumiju i prepoznaju pojedinačne uloge i obaveze u procesu pripremanja i planiranja budžeta. To je izvještaj za građane, predstavljen u pristupačnom formatu, koristi jednostavan i jasan jezik koji oni mogu razumjeti. Ako su u stanju da razumiju, građani onda mogu ostvarivati svoja građanska prava u demokratiji, postavljati pitanja koja osiguravaju da vlast objašnjava ono šta radi u njihovo ime.

KRALJEVA KESA

Riječ "budžet" potiče od stare francuske riječi za malu kožnu torbicu. Kasnije se značenje promijenilo, pa je ista riječ označavala kraljevu kesu, odnosno biti plaćen iz budžeta značilo je dobiti novac iz kraljeve kese.


BUDŽETSKI PROCES

BUDŽET ZA GRAĐANE

Pripremanje budžeta je proces koji se sastoji od procjene sredstava, analize politika, razvoja ciljeva i raspodjele sredstava među budžetskim korisnicima. To je obično dužnost načelnika, ili se povjerava jednom od odjela, poput odjela za finansije i samim budžetskim korisnicima. Dužnost onih koji su uključeni u pripremanje budžeta je da omoguće učešće javnosti, odnosno njihove prioritete i želje. Razmatranje i usvajanje budžeta su procesi procjene predloženog budžeta, izmjena ili prilagođavanje tog prijedloga na neki drugi način (ili odbijanje, u nekim slučajevima) i konačno odobravanje. Ovo je obaveza Općinskog vijeća.

Budžetski proces se zasniva na analizi ostvarenja prihoda u proteklom periodu, procjenama ekonomske osnove, prioritetnim ciljevima i poslovima iz nadležnosti Općine, planiranim projektima i programima. Donošenje budžeta Općine Centar propisano je Zakonom o budžetima u FBiH, kojim su utvrđenim koraci i rokovi u pripremanju, izradi i usvajanju budžeta.


Aktivnosti na izradi budžeta počinju u aprilu pripremom i analizom dokumenta okvirnog budžeta koji sadrži makroekonomske projekcije i prognoze priliva i odliva sredstava za naredne tri godine, a na kojem se zasniva priprema i izrada godišnjeg budžeta (DOB). U junu se utvrđuju prijedlozi kriterija za raspisivanje javnog poziva za prijavu investicijskih projekata i obezbjeđenje saglasnosti općinskog načelnika za iste. U istom mjesecu objavljuje se javni poziv za prijavu investicijskih projekata za budžet. Tokom augusta stručni timovi analiziraju prijedloge pristigle po javnom pozivu. U oktobru općinski načelnik utvrđuje Nacrt budžeta. Općinsko vijeće u istom mjesecu usvaja Nacrt budžet o kojem se u novembru organizuju javne rasprave. U decembru se utvrđuje Prijedlog budžeta i usvaja ovaj dokument.



KO FINANSIRA ODREĐENE NADLEŽNOSTI

Općina Centar Sarajevo, kao jedinica lokalne samouprave u Bosni i Hercegovini obavlja poslove iz samostalne nadležnosti i poslove koji su joj preneseni posebnim zakonima. U narednoj tabeli prikazane su oblasti koje finansira Općina Centar. Treća kolona prikazuje šta finansira Općina Centar iako za to nije nadležna.

POTPUNO
FINANSIRA OPĆINA




OPĆA UPRAVA
MATIČNI URED

PROSTORNO
UREĐENJE

KOMUNALNE
I DRUGE USLUŽNE
DJELATNOSTI

CIVILNA
ZAŠTITA

UGLAVNOM
FINANSIRA OPĆINA



SOCIJALNA
ZAŠTITA

U ODREĐENOJ
MJERI FINANSIRA OPĆINA



OBRAZOVANJE

ZDRAVSTVENA
ZAŠTITA

KULTURA

SOCIJALNA
ZAŠTITA

ZAŠTITA
OKOLINE

SAOBRAĆAJ

NE FINANSIRA
OPĆINA




KAKO SE PUNI BUDŽET OPĆINE CENTAR?

Budžet Općine Centar za 2021. godinu planiran je u iznosu 49.890.000 KM


Kad je riječ o strukturi prihoda u 2021. godini, prihodi od poreza iznose 12.860.000 KM (25,77%), neporezni prihodi 16.839.000 KM (33,75%), tekuće potpore 4.953.000 KM (9,92%), primici od prodaje zemljišta i imovine 4.295.000 (8,60%). Neutrošena sredstva iz 2020. koja se prenose u budžet za 2021. iznose 10.943.000 KM, što je za oko 4,1 milion maraka manje u odnosu na prethodnu godinu.

Najveći dio neutrošenih sredstava predstavljaju prihodi od posebne naknade za zaštitu od prirodnih i drugih nesreća koja se mogu upotrijebiti samo za tu namjenu. Dio neutrošenih sredstava odnosi se na projekte koji su započeti u 2020. godini, a koji nisu mogli biti realizirani, pa je njihova realizacija nastavljena u 2021.



GDJE SE RASPOREĐUJE BUDŽETSKI NOVAC?




Prioriteti u potrošnji za 2021. godinu su tekući izdaci za obavljanje zakonom predviđenih funkcija, te kapitalni izdaci za koje su utvrđeni prioriteti finansiranja strateškim dokumentima.



R. Br.	NAZIV KAPITALNOG PROJEKTA	IZNOS U KM
1.	Izgradnja škole i predškolske ustanove na Šipu	4.600.000
2.	Izgradnja, sanacija i rekonstrukcija lokalnih cesta	3.496.000
3.	Uređenje lokaliteta Šip	2.800.000
4.	Sanacija klizišta na području općine Centar	2.523.690
5.	Rekonstrukcija, sanacija i izgradnja vodovodne i kanalizacione mreže na području općine Centar	1.302.650
6.	Rekonstrukcija, sanacija i izgradnja stepeništa, pristupnih staza i ograda	1.133.103
7.	Nabavka i uređenje zemljišta	1.150.000
8.	Izgradnja podzemnih garaža	908.870
9.	Izgradnja, sanacija i rekonstrukcija nekategorisanih ulica	740.000
10.	Izgradnja, rekonstrukcija, sanacija i održavanje javne rasvjete	488.300
11.	Evropska kuća kulture i nacionalnih manjina	430.700
12.	Izgradnja objekata vodosnabdjevanja rubnih naselja općine vodom	410.000
13.	Obezbjedenje higijenskih uslova odlaganja otpada	213.900
14.	Spomen-obilježje Lasta	180.000
15.	Utopljanje objekata kolektivnog stanovanja	150.000
16.	Izgradnja sportskih i dječijih igrališta	100.000

PRUŽANJE POMOĆI ZA SOCIJALNO NAJUGROŽENIJE KATEGORIJE GRAĐANA

Općina će u 2021. godini izdvojiti **1.027.000 KM** za pomoć socijalno najugroženijim kategorijama stanovništva.

	01 1.027.000 KM	PRUŽANJE POMOĆI ZA SOCIJALNO NAJUGROŽENIJE KATEGORIJE GRAĐANA		08 35.000 KM	SUFINANSIRANJE TROŠKOVA VANTJELESNE OPLODNJE
	02 300.000 KM	PARTICIPACIJA ZA NABAVKU HLJEBA I MLIJEKA		09 30.000 KM	POMOĆ ZA PRIVREMENI SMJEŠTAJ SOCIJALNO UGROŽENIH PORODICA
	03 160.000 KM	JEDNOKRATNE NOVČANE POMOĆI ZA NUŽNE TROŠKOVE ŽIVOTA		10 20.000 KM	PRILAGOĐAVANJE STAMBENIH OBJEKATA I MOTORNIM VOZILA INVALIDNIH LICA
	04 140.000 KM	POMOĆ PORODILJAMA		11 25.000 KM	OBEZBJEĐENJE ZDRAVSTVENE ZAŠTITE ZA LICA U STANJU SOCIJALNE POTREBE
	05 80.000 KM	POMOĆ U PLAĆANJU UŽINA UČENICIMA		12 20.000 KM	OBEZBJEĐENJE STANDARDNIH USLOVA STANOVANJA ZA SOCIJALNO UGROŽENE
	06 70.000 KM	POMOĆ U LIJEČENJU OSOBA OBOLJELIH OD LEUKEMIJE, HEPATITIS B I C ...		13 15.000 KM	POMOĆ DJECI U STANJU SOCIJALNE POTREBE
	07 70.000 KM	POMOĆ PENZIONERIMA I OSOBAMA TREĆE ŽIVOTNE DOBI		14 62.000 KM	OSTALI PROJEKTI

PODRŠKA OBRAZOVANJU

Općina je u 2021. godini izdvojila preko 5,6 miliona KM za podršku obrazovanju. U okviru navedenih sredstava planiran je novac za stipendiranje učenika, podršku radu sekcija, poboljšanje uslova rada i opremljenosti predškolskih ustanova, osnovnih i srednjih škola.



01
4.600.000 KM

IZGRADNJA ŠKOLE I
PREDŠKOLSKE USTANOVE
NA ŠIPU



08
25.000 KM

TAKMIČENJE OSNOVNIH
ŠKOLA IZ ZNANJA



02
500.000 KM

STIPENDIRANJE UČENIKA I
STUDENATA



09
20.000 KM

PODRŠKA EKOLOŠKIM
PROJEKTIMA OSNOVNIH
ŠKOLA



03
165.940 KM

POBOLJŠANJE PROSTORNIH
USLOVA RADA I
OPREMLJENOSTI
PREDŠKOLSKIH USTANOVA,
OSNOVNIH ŠKOLA, SREDNJIH
ŠKOLA I VISOKOŠKOLSKIH
USTANOVA



10
20.000 KM

FINANSIRANJE
PROJEKTOVANJA I
IZGRADNJE OBJEKTA ZA
ŠKOLU U PRIRODI NA
LOKALITETU MRKOVIĆI



04
100.000 KM

NABAVKA ŠKOLSKIH TORBI,
UDŽBENIKA I PRIBORA ZA
PRVAČIĆE



11
10.000 KM

POMOĆ UČENICIMA
ROMSKE POPULACIJE ZA
REDOVNO POHAĐANJE
NASTAVE



05
130.000 KM

BESPLATAN PREVOZ
UČENIKA OSNOVNIH
ŠKOLA



12
10.000 KM

PROJEKAT ENERGETSKE
EFIKASNOSTI ZA UTOPLJA-
VANJE ŠKOLA I VRTIĆA NA
TERITORIJI OPĆINE CENTAR I
IMOVINE OPĆINE CENAR



06
35.000 KM

PODRŠKA PROJEKTIMA ZA
ŠKOLSKU DJECU, STUDENTE
I MLADE



13
8.000 KM

EDUKACIJA UČENIKA
OSNOVNIH ŠKOLA IZ
OBLASTI KULTURE



07
30.000 KM

PODRŠKA PROJEKTU
SUFINANSIRANJA
TROŠKOVA VANREDNOG
ŠKOLOVANJA, TROŠKOVA
PREKVALIFIKACIJE I
DOKVALIFIKACIJE
NEZAPOSLENIH




14
15.000 KM

OSTALI PROJEKTI

SREDSTVA ZA BORAČKU POPULACIJU

U budžetu Općine Centar planirana su značajna sredstva za pomoć boračkoj populaciji. Za ove namjene u budžetu za 2021. godinu izdvojeno je 662.500 KM, a na narednoj slici prikazana je raspodjela navedenih sredstava.



BRIGA O MLADIM

Općina Centar godinama izdvaja sredstva namijenjena za mlade. U budžetu za 2021. za brigu o mladim obezbijeđeno je 399.000KM. Raspored sredstava prikazan je na sljedećoj slici

Podrška mladima za zapošljavanje





Podrška stambenom zbrinjavanju mladih



Strategija prema mladima



Finansiranje projekata za mlade



Kultura i SPORT

Za razvoj kulture na području općine Centar u budžetu za 2021. godinu izdvojeno je 903.700 KM, a sredstva su raspoređena na sljedeći način:

1 FINANSIRANJE IZGRADNJE OBJEKTA
EVROPSKE KUĆE KULTURE I
NACIONALNIH MANJINA
430.700 KM

2 FINANSIRANJE RADA JU CENTAR
KULTURE I MLADIH
200.000 KM

3 PROJEKTI ZA GRAĐANE PUTEM JU
CENTAR KULTURE I MLADIH
115.000 KM

4 POBOLJŠANJE PROSTORNIH USLOVA
RADA I OPREMLJENOSTI KULTURNO -
HISTORIJSKIH USTANOVA
60.000 KM

5 PODRŠKA KULTURNIM I NAUČNIM
USTANOVAMA, MANIFESTACIJAMA,
FESTIVALIMA I PROJEKTIMA
55.000 KM

6 PODRŠKA VJERSKIM INSTITUCIJAMA I
ZAJEDNICAMA U FINANSIRANJU
TEKUĆIH PROGRAMA
15.000 KM

7 FINANSIRANJE IZDAVANJA KNJIGA
10.000 KM

8 OSTALI PROJEKTI
18.000 KM

ZA RAZVOJ SPORTA NA PODRUČJU OPĆINE CENTAR U BUDŽETU ZA 2021. GODINU IZDOJENO JE 1.147.000 KM, A SREDSTVA SU RASPOREĐENA NA SLJEDEĆI NAČIN:

-  Rekonstrukcija i poboljšanja stadiona Asim Ferhatović Hase
400.000 KM
-  Sportski projekti za učenike osnovnih škola i djecu predškolskog uzrasta sa područja općine Centar
280.000 KM
-  Podrška JU Centar za sport i rekreaciju
280.000 KM
-  Izgradnja sportskih i dječijih igrališta
100.000 KM
-  Finansijska podrška sportskim organizacijama, projektima i pojedincima
45.000 KM
-  Implementacija Akcionog plana Strategije Općine Centar iz oblasti sporta
30.000 KM
-  Izgradnja sportskih sala
40.000 KM



PRATITE NAS



[@OPCINA.CENTAR](#)
OPĆINA CENTAR



[@OPCINA.CENTAR](#)
OPĆINA CENTAR



[@OPCINA.CENTAR](#)
OPĆINA CENTAR



[@OPCINA.CENTAR](#)
OPĆINA CENTAR